



Bosnia and Herzegovina
Federation of Bosnia and Herzegovina

CANTON SARAJEVO
Ministry of Economy

Broj: 07-02-11- 49676/20
Sarajevo, 11.12.2020. godine

Na osnovu člana 2. stav (1) Uredbe o postupku finansiranja dijela minimalne mjesečne neto plaće (u FBiH) za mjesec juni i juli 2020. godine ("Službene novine Kantona Sarajevo", broj: 49/20), Ministarstvo privrede Kantona Sarajevo raspisuje

JAVNI POZIV
za dodjelu sredstava za finansiranje dijela minimalne mjesečne neto plaće (u FBiH)
za mjesec juni i juli 2020. godine

1. PREDMET POZIVA

Pozivaju se poslovni subjekti (pravna lica i fizička lica koja samostalno obavljaju registrovanu poslovnu djelatnost) koji ispunjavaju uslove propisane Uredbom o postupku finansiranja dijela minimalne mjesečne neto plaće (u FBiH) za mjesec juni i juli 2020. godine ("Službene novine Kantona Sarajevo", broj: 49/20) da podnesu prijave za ostvarivanje prava za finansiranje dijela minimalne mjesečne neto plaće (u FBiH) za mjesec juni i juli 2020. godine.

2. SUBJEKTI KOJI SU ISKLJUČENI IZ FINANSIRANJA DIJELA PLAĆE

Poslovni subjekti koji su Uredbom iz tačke 1. ovog Javnog poziva isključeni iz finansiranja dijela minimalne mjesečne neto plaće (u FBiH) za mjesec juni i juli 2020. godine su: javna preduzeća, javne ustanove, javne institucije, organi uprave, upravne organizacije, organi i jedinice lokalne samouprave, banke i druge finansijske organizacije (oblasti po KD BiH 2010: 64-66), subjekti koji obavljaju djelatnost kockanja i klađenja, udruženja, te fizička lica koja samostalno obavljaju registrovanu poslovnu djelatnost kao dopunsko zanimanje, a koja u skladu sa propisima o porezu na dohodak, porez na dohodak po tom osnovu plaćaju prema paušalnom utvrđenom iznosu.

3. PRAVO UČEŠĆA

3.1. Pravo na isplatu dijela minimalne mjesečne neto plaće (u FBiH) za mjesec juni i juli 2020. godine po ovom Javnom pozivu mogu ostvariti poslovni subjekti (pravna lica i fizička lica koja samostalno obavljaju registrovanu poslovnu djelatnost), koji ispunjavaju sljedeće uslove:

- da nije poslovni subjekt iz tačke 2. ovog Javnog poziva, tj. da nije poslovni subjekt koji je isključen iz finansiranja dijela minimalne mjesečne neto plaće (u FBiH) za mjesec juni i juli 2020. godine,
- da u mjesecu junu 2020. godine, odnosno u mjesecu julu 2020. godine, poslovni subjekt ima pad prometa u odnosu na prosječni mjesečni promet u 2019. godini, kako slijedi:



web: <http://mp.ks.gov.ba>
e-mail: mp@mp.ks.gov.ba
Tel: + 387 (0) 33 562-121, + 387 (0) 33 562-122
Fax: + 387 (0) 33 562-226
Sarajevo, Reisa Džemaludina Čauševića 1



- 1) veći od 30% do 50% ili
- 2) veći od 50%,

s tim da se ovaj uslov ne odnosi na poslovne subjekte koji samostalno obavljaju registrovanu poslovnu djelatnost, a koji u skladu sa propisima o porezu na dohodak, porez na dohodak po tom osnovu plaćaju prema paušalnom utvrđenom iznosu (osnovno zanimanje i dodatno zanimanje),

- c) da poslovni subjekt do dana objave Javnog poziva ima izvršene obaveze po osnovu javnih prihoda sa danom 29.02.2020. godine,
 - d) da je poslovni subjekt na dan 31.10.2020. godine zadržao najmanje 70% uposlenika u odnosu na broj uposlenika na dan 29.02.2020. godine,
 - e) da poslovni subjekt ima sjedište u Kantonu Sarajevo, s tim da ovo pravo ne može ostvariti za poslovne jedinice u svom sastavu koje se nalaze izvan područja Kantona Sarajevo,
 - promet ovog poslovnog subjekta za ocjenu ispunjenosti uslova pada prometa je ukupni promet ovog subjekta iz kojeg prometa je isključen promet poslovnih jedinica ovog subjekta koje se nalaze izvan područja Kantona Sarajevo,
 - broj uposlenika ovog poslovnog subjekta za obračun ukupnog iznosa za isplatu za odnosni mjesec je ukupni broj uposlenika ovog subjekta iz kojeg broja uposlenika je isključen broj uposlenika poslovnih jedinica ovog subjekta koje se nalaze izvan područja Kantona Sarajevo, na dan 30.06.2020. godine, odnosno na dan 31.07.2020. godine,
 - f) da poslovni subjekt sa sjedištem izvan Kantona Sarajevo na području FBiH u svom sastavu ima poslovne jedinice koje se nalaze na području Kantona Sarajevo, s tim da ovo pravo može ostvariti samo za ove poslovne jedinice,
 - promet ovog poslovnog subjekta za ocjenu ispunjenosti uslova pada prometa je ukupni promet svih poslovnih jedinica ovog subjekta koje se nalaze na području Kantona Sarajevo,
 - broj uposlenika za ovaj poslovni subjekt za obračun ukupnog iznosa za isplatu za odnosni mjesec je ukupni broj uposlenika svih poslovnih jedinica ovog subjekta koje se nalaze na području Kantona Sarajevo, na dan 30.06.2020. godine, odnosno na dan 31.07.2020. godine.
- 3.2. Fizička lica sa sjedištem na području Kantona Sarajevo koja samostalno obavljaju registrovanu poslovnu djelatnost, a koja u skladu sa propisima o porezu na dohodak, porez na dohodak po tom osnovu plaćaju prema paušalnom utvrđenom iznosu (osnovno zanimanje i dodatno zanimanje), nisu obavezna da ispune uslov koji se odnosi na pad prometa.

Napomena: Poslovni subjekti (pravna lica i fizička lica koja samostalno obavljaju registrovanu poslovnu djelatnost) koji su registrovani nakon 31.12.2019. godine nemaju pravo učešća po ovom Javnom pozivu.

4. PODNOŠENJE PRIJAVE

Prijavu podnose poslovni subjekti (pravna lica i fizička lica koja samostalno obavljaju registrovanu poslovnu djelatnost).

Poslovna jedinica/podružnica pravnog lica ne može samostalno podnijeti prijavu po ovom Javnom pozivu, jer prijavu podnosi pravno lice u čijem je sastavu poslovna jedinica.

Poslovni subjekti koji se prijavljuju na ovaj Javni poziv obavezni su dostaviti prijavu i dokumentaciju propisanu ovim Javnim pozivom.



web: <http://mp.ks.gov.ba>
e-mail: mp@mp.ks.gov.ba
Tel: + 387 (0) 33 562-121, + 387 (0) 33 562-122
Fax: + 387 (0) 33 562-226
Sarajevo, Reisa Džemaludina Čauševića 1



4.1. PRIJAVA

Prijava se podnosi dostavljanjem Obrasca 1 (za pravna lica i fizička lica – samostalne poduzetnike) ili Obrasca 2 (za fizička lica – samostalne poduzetnike koji u skladu sa propisima o porezu na

dohodak, porez na dohodak po tom osnovu plaćaju prema paušalnom utvrđenom iznosu), a obrasci se mogu preuzeti na web stranici Ministarstva privrede Kantona Sarajevo: <http://mp.ks.gov.ba/>.

Podnosilac prijave obavezno popunjava sve rubrike u Obrascu 1 ili Obrascu 2 i ovjerava potpisom ovlaštenog lica i pečatom poslovnog subjekta.

4.2. DOKUMENTACIJA

4.2.1. Poslovni subjekt koji nije obveznik fiskalizacije obavezan je dostaviti finansijske kartice prihoda za svaki mjesec u 2019. godini i za mjesec juni i juli 2020. godine, ovjerene potpisom ovlaštenog lica i pečatom poslovnog subjekta.

4.2.2. Fizičko lice sa sjedištem na području Kantona Sarajevo koje samostalno obavlja registrovanu poslovnu djelatnost, a koje u skladu sa propisima o porezu na dohodak, porez na dohodak po tom osnovu plaća prema paušalnom utvrđenom iznosu (osnovno zanimanje i dodatno zanimanje) obavezan je dostaviti Rješenje kojim se odobrava plaćanje poreza na dohodak u mjesečnom paušalnom iznosu, izdato od strane Porezne uprave Federacije BiH, u originalu ili fotokopiji ovjerenom od strane nadležnog općinskog organa ili Uvjerenje (subjekt kojem se ne izdaje ovo Rješenje) izdato od strane Porezne uprave Federacije BiH, u originalu ili fotokopiji ovjerenom od strane nadležnog općinskog organa.

Napomena: Dokumentacija koju su poslovni subjekti dostavili po ranijim javnim pozivima Ministarstva privrede Kantona Sarajevo za isplatu dijela minimalne mjesečne neto plaće (u FBiH) za mjesec mart, april i maj 2020. godine, neće se koristiti prilikom obrade prijave po ovom Javnom pozivu.

5. IZNOS DIJELA MINIMALNE MJEČNE NETO PLAĆE KOJI SE ISPLAĆUJE

5.1. Poslovnim subjektima koji ispunjavaju sve potrebne uslove iz ovog Javnog poziva za mjesec juni, odnosno mjesec juli 2020. godine, za broj uposlenika na dan 30.06.2020. godine odnosno 31.07.2020. godine, može se isplatiti dio minimalne mjesečne neto plaće (u FBiH) po uposlenom, kako slijedi:

- a) do 50% minimalne mjesečne neto plaće (u FBiH) za subjekte koji imaju pad prometa veći od 30% do 50% u odnosu na prosječni mjesečni promet u 2019. godini,
- b) do 100% minimalne mjesečne neto plaće (u FBiH) za subjekte koji imaju pad prometa veći od 50% u odnosu na prosječni mjesečni promet u 2019. godini.

5.2. Poslovnom subjektu koji samostalno obavlja registrovanu poslovnu djelatnost, a koji u skladu sa propisima o porezu na dohodak, porez na dohodak po tom osnovu plaćaju prema paušalnom utvrđenom iznosu (osnovno zanimanje i dodatno zanimanje) i koji ispunjava sve potrebne uslove iz ovog Javnog poziva za mjesec juni, odnosno mjesec juli 2020. godine, za broj uposlenika na dan 30.06.2020. godine, odnosno 31.07.2020. godine, može se isplatiti do 50% minimalne mjesečne neto plaće (u FBiH) po uposlenom.

Napomena: Poslovni subjekti koji su dobili finansijska sredstva za subvenciju neto plaća za uposlenike za mjesec juni i juli 2020. godine od JU Službe za zapošljavanje Kantona Sarajevo i/ili Fonda za profesionalnu rehabilitaciju i zapošljavanje osoba sa invaliditetom FBiH ili bilo koje druge institucije/ustanove, a ukoliko su ispunili kriterije iz ovog Javnog poziva ne mogu ostvariti



web: <http://mp.ks.gov.ba>
e-mail: mp@mp.ks.gov.ba
Tel: + 387 (0) 33 562-121, + 387 (0) 33 562-122
Fax: + 387 (0) 33 562-226
Sarajevo, Reisa Džemaludina Čauševića 1



pravo na dio minimalne mjesečne neto plaće (u FBiH) za ove uposlenike. Podaci o navedenom pribavit će se po službenoj dužnosti.

6. IZBOR KORISNIKA I PRAVNA ZAŠTITA

Kriteriji za izbor korisnika sredstava utvrđeni su Uredbom iz tačke 1. ovog Javnog poziva. Pregled prijava i dokumentacije, obradu i kontrolu podataka, te ocjenu o ispunjavanju uslova vršit će stručna lica imenovana rješenjem Ministarstva privrede Kantona Sarajevo. Ministarstvo privrede Kantona Sarajevo objavljuje Listu poslovnih subjekata koji ispunjavaju uslove, kao i Listu poslovnih subjekata koji ne ispunjavaju uslove, a iste objavljuje na web stranici Ministarstva privrede Kantona Sarajevo: <http://mp.ks.gov.ba/>. Poslovni subjekt koji smatra da je njegovo pravo povrijeđeno u postupku izbora korisnika sredstava može uložiti prigovor Komisiji putem Ministarstva privrede Kantona Sarajevo, u roku od 7 (sedam) dana od dana objave listi. Komisija rješava po prigovoru najkasnije u roku od 60 (šezdeset) dana od dana podnošenja prigovora poslovnog subjekta.

7. ROK ZA DOSTAVLJANJE PRIJAVA

Rok za dostavljanje prijava je **15 (petnaest) dana** od dana objave ovog Javnog poziva. Javni poziv će biti objavljen na web stranici Ministarstva privrede Kantona Sarajevo: <http://mp.ks.gov.ba/>.

Nepotpune, neuredne i neblagovremene prijave na ovaj Javni poziv neće se uzeti u razmatranje.

8. MJESTO I NAČIN PODNOŠENJA PRIJAVA

Prijave se podnose Ministarstvu privrede Kantona Sarajevo u zatvorenoj koverti, **ISKLUČIVO** preporučeno putem pošte na adresu: Ministarstvo privrede Kantona Sarajevo, ulica Reisa Džemaludina Čauševića broj 1, 71000 Sarajevo.

Na zatvorenoj koverti obavezno je navesti: Prijava na Javni poziv za **odjeljenje sredstava za finansiranje dijela minimalne mjesečne neto plaće (u FBiH) za mjesec juni i juli 2020. godine** – Ne otvaraj.


Na poledini zatvorene koverti obavezno je navesti: naziv podnosioca prijave, adresu i kontakt telefon podnosioca prijave.

9. OSTALE ODREDBE

Ministarstvo privrede Kantona Sarajevo ne snosi nikakve troškove podnosiocu prijave u pripremi i dostavljanju prijave i dokumentacije po ovom Javnom pozivu.

Prijava i dostavljena dokumentacija po ovom Javnom pozivu ne vraća se podnosiocu prijave.

Za sve informacije vezane za ovaj Javni poziv kontakt telefon je 033/562-117.



web: <http://mp.ks.gov.ba>
e-mail: mp@mp.ks.gov.ba
Tel: + 387 (0) 33 562-121, + 387 (0) 33 562-122
Fax: + 387 (0) 33 562-226
Sarajevo, Reisa Džemaludina Čauševića 1

